



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**INDLOVULENKHULU/MASHI 2011**

**EMAMAKI: 80**

**SIKHATSI: 2½ ema-awa**

**Leliphepha linemakhasi la-19.**

**TICONDZISO KULABAHOLWAKO**

1. Fundza lelikhasi ngembikwekutsi ucale kuperendvula imibuto.
2. Ungalifundzi lonkhe liphepha lemibuto. Buka lokucuketfwe ekhiasi lelilandzelako bese ubeka luphawu kulowo nalowo mbuto lobutwe ngetincwadzi lotifundze lonyaka. Emva kwaloko, fundza leyo mibuto lenetimphawu kuperhela bese ukhetsa leyo lofuna kuperendvula yona.
3. Liphepha lemibuto licuketse TIGABA LETINTSATFU:

SIGABA A: Tinkondlo (30)  
 SIGABA B: Inoveli (25)  
 SIGABA C: Umdlao (25)

4. ISIHLANU IMIBUTO lefanele uyiphendvule seyiyonkhe: ESIGABENI A imibuto mitsatfu (3), ESIGABENI B munye (1), ESIGABENI C munye (1) ngalendlela:

**SIGABA A: TINKONDLO**

Phendvula imibuto ibe mibili yeTINKONDLO LETIFUNDVWE EKLASINI.  
 Phendvula umbuto munye ETINKONLWENI LETINGAKAFUNDVWA EKLASINI.

**SIGABA B: INOVELI**

Phendvula umbuto ube munye.

**SIGABA C: UMDLALO**

Phendvula umbuto ube munye.

5. KUKHETFWA KWETIMPHENDVULO TESIGABA B (INOVELI) NESIGABA C (UMDLALO)

- Phendvula KUPHELA imibuto yenoveli loyifundzile kanye nemdlalo lowufundzile.
  - Phendvula UMBUTO MUNYE WENDZABAMBHALO KANYE NAMUNYE UMBUTO EMIBUTWENI LEMIFISHA. Uma ukhetse kuperendvula umbuto wendzabambhalo ESIGABENI B, uphocelelekile kutsi uphendvule imibuto lemifisha ESIGABENI C. Uma uphendvule imibuto lemifisha ESIGABENI B, uphocelelekile kutsi uphendvule umbuto wendzabambhalo ESIGABENI C.
- Sebentisa luhlu Iwekutikhumbuta kute usitakale.

6. BUDZE BETIMPHENDVULO

- Imibuto yenzabambhalo etinkondlwani kufanele iphendvulwe ngemagama la-190 – 240.
- Indzabambhalo yenoveli nemdlalo kufanele iphendvulwe ngemagama la-340 – 390.
- Budze betimphendvulo temibuto lemifisha bufanele buhambisane nelinani lemamaki labekiwe. Labahlolwako kufanele banganhlanhlatsi.

7. Fundzisia kahle ticondziso letisekucaleni kwaleso naleso sigaba.
8. Tinombolo tetimphevndvulo atihambisane naletu temibuto njengobe tinjalo ephepheni lemibuto.
9. Cala LESO NALESO sigaba ekhasini LELISHA.
10. Bhala ngesandla lesibonakalako nalesifundzekako.
11. Siphakamiso sekulawulwa kwesikhatsi:  
  
SIGABA A: Lokungenani emaminitsi lange-40  
SIGABA B: Lokungenani emaminitsi lange-55  
SIGABA C: Lokungenani emaminitsi lange-55

**LIKHASI LALOKUCUKETFWE**

Lelikhasi litawusita bahlolwa kutsi bakwati kukhetsa imibuto labafuna kuyiphendvula ngaphandle kwekufundza lonkhe liphepha lemibuto.

<b>SIGABA A: TINKONDLO</b>		
<b>Tinkondlo Letimisiwe: Phendvula nobe nguYIPHI imibuto LEMIBILI</b>		
<b>INOMBOLO YEMBUTO</b>	<b>UMBUTO</b>	<b>LIKHASI</b>
1. Etinsukwini Letili-16	Umbuto loyindzabambhalo	6
	<b>NOBE</b>	
2. Ngente Njani Manje	Imibuto lemifisha	7
	<b>NOBE</b>	
3. Mvunulo Yemhlabu	Imibuto lemifisha	8
	<b>NOBE</b>	
4. Umtapo	Imibuto lemifisha	9
	<b>NA</b>	
<b>Inkondlo lengakafundvwa eklasini: Phendvula nobe ngumuphi umbuto ube MUNYE.</b>		
5. Ngicoleleni	Umbuto loyindzabambhalo	10
	<b>NOBE</b>	
6. Ndvuku yemilingo	Imibuto lemifisha	11
<b>SIGABA B: INOVELI</b>		
<b>Phendvula umbuto MUNYE.</b>		
7. Liphume Nebovu	Umbuto loyindzabambhalo	12
	<b>NOBE</b>	
8. Liphume Nebovu	Imibuto lemifisha	12 – 13
	<b>NOBE</b>	
9. Kubamba Letingelako	Umbuto loyindzabambhalo	13
	<b>NOBE</b>	
10. Kubamba Letingelako	Imibuto lemifisha	14 – 15
<b>SIGABA C: UMDLALO</b>		
<b>Phendvula umbuto MUNYE.</b>		
11. Kwahlwa Emini	Umbuto loyindzabambhalo	16
	<b>NOBE</b>	
12. Kwahlwa Emini	Imibuto lemifisha	16 – 17
	<b>NOBE</b>	
13. Umvuzo	Umbuto loyindzabambhalo	18
	<b>NOBE</b>	
14. Umvuzo	Imibuto lemifisha	18 – 19

CAPHELA: Esigabeni B na-C, phendvula YINYE INDZABAMBHALO naMUNYE umbuto WEMIBUTO LEMIFISHA.

## LUHLA LWEKUTIKHUMBUTA

Lelikhasi litawusita bahlolwa ekukhetseni imibuto labafuna kuyiphendvula ngaphandle kwekufundza lonkhe leliphepha lemibuto.

SIGABA	TINOMBOLO TEMIBUTO	LINANI LEMIBUTO LEPHENDVULWAKO	TICK
<b>A: Tinkondlo</b> (Tinkondlo letifundvwe eklasini)	1 – 4	2	
<b>A: Tinkondlo</b> (Inkondlo lengakafundvwa eklasini)	5 – 6	1	
<b>B: Inoveli</b> (Indzabambhalo nobe imibuto lemifisha)	7 – 10	1	
<b>C: Umdlalo</b> (Indzabambhalo nobe imibuto lemifisha)	11 – 14	1	
<b>CAPHELA:</b> Esigabeni B na-C, phendvula YINYE INDZABAMBHALO NAMUNYE umbuto WEMIBUTO LEMIFISHA.			

**SIGABA A: TINKONDLO****TINKONDLO LETIFUNDVWE EKLASINI**

Khetsa tinkondlo tibe TIMBILI kuleti letilandzelako uphendvule ngato imibuto letawulandzela.

**UMBUTO 1**

Fundza lenkondlo lelandzelako bese uphendvula imibuto letawulandzela.

**ETINSUKWINI LETI-16 – AT Fakude**

- 1 Ningizimu afrika lenhle
- 2 Sidze lesikhatsi kukhalwa.
- 3 Kukhalwa ngesamboko ebantfwaneni,
- 4 Kukhalwa ngemphilo ebantfwaneni
- 5 Lokushisa buhanguhangu.
- 6 Lokushisa kushe ngisho nalobekusamila,
- 7 Kusale ticinchi letome nkhwa.
- 8 Letingayomila nini nanini.
- 9 Ngako-ke Ningizimu ye-Afrika lenhle,
- 10 Hamba nesikhatsi.
- 11 Phila nesikhatsi
- 12 Ngalenyatfuko lenje
- 13 Ningizimu Afrika lenhle.
- 14 Kutsanti bekulila make
- 15 Atfwel'umkhono enhloko
- 16 Akhihla saNandi sililo,
- 17 Akhala ngababe lophakamisa tandla,
- 18 Akhwele atehlele kumake
- 19 Ibe munyu imphilo yelikhaya.
- 20 Nyalo sekuyashunyayelwa,
- 21 Kushunyayelwa livangeli.
- 22 Livangeli lelicolo nemusa.
- 23 Ngako-ke bonkh'abaphendvuke.

Bhala indzatjanambhalo lapho uhluta khona umlayeto lotfolakala kulenkondlo lengenhla, ubhekise kuloko lokwenteka emmangweni waseNingizimu Afrika.

Budze bemphendvulo yakho abube ngemagama langabi ngaphasi kwe-190 kodvwa angabi ngetulu kwalangama-240.

[10]

**NOBE**

**UMBUTO 2**

Fundza lenkondlo lelandzelako bese uphendvula imibuto letawulandzela.

**NGENTE NJANI MANJE? – LX Nkambule**

- 1 Ngentenjani manje  
 2 Nekukhunjulwa kwakho sekukhohlakele?  
 3 Akusanandzaba!  
 4 Ngiyawusala ngiwacocanisa  
 5 Lowawasho usawadl' emabele.  
  
 6 Ngentenjani manje  
 7 Indlelo seyishaye gobolophonjwana?  
 8 Nalowo mtfombo ngangisengakawuboni  
 9 Akusenandzaba!  
 10 Ngabe ngiyabhema manje  
 11 Ngiyat simula ngiciphita tinyembetana.  
  
 12 Ngentenjani manje  
 13 Lenzawo ingephul' inhlitiyo,  
 14 Ngibabuka ngimbony' emehlo,  
 15 Ngibe lusizi ngidzabuke,  
 16 Ngingabe ngisakubonaphi?  
 17 Wawungadzangali kubeketela.  
  
 18 Bakubekile elugagadvini,  
 19 Akuhushi moyo, akukhali nyoni,  
 20 Ngibona nje ngesangcotfo  
 21 Naso sitigadvula phasi  
 22 Akusanatje lelinemlandvo:  
 23 Sigatjana, ngaso ngitidvudvute.

- 2.1 Bunkondlo buni lobusetjentisiwe ekucaleni kwetindzima 1, 2 na- 3? (1)
- 2.2 Sinongo sini lesicuketfwe ngumugca we-13 kulenkondlo lengenhla? (1)
- 2.3 Ucondzeni sonkondlo nakatsi:  
 Indlelo seyishaye gobolophonjwana? (Umugca 7) (1)
- 2.4 Tetsamelilwati talenkondlo tifundzani nganayi imigca yenkondlo lelandzelako?  
 "Ngiyawusala ngiwacocanisa  
 Lowawasho usawadl' emabele." (Imigca 4 – 5) (1)
- 2.5 Humusha lokushiwo yindzima yekugcina kulenkondlo. (2)

2.6 Abecondzeni sonkondlo ngalemigca, nakatsi:

Bakubekile elugagadvini,  
Akuhushi moya, akukhali nyoni? (Imigca 18 – 19)

(2)

2.7 Kambe uma intfo yephula umuntfu inhlitiyo isuke yentani? Hlatiya.  
"Lendzawo ingephul' inhlitiyo". (Umugca 13)

(2)

**[10]****NOBE****UMBUTO 3**

Fundza lenkondlo lelandzelako bese uphendvula imibuto letawulandzela.

**MVUNULO YEMHLABA – JJ Thwala**

1 Umuhle mvunulo yemhlabo,  
2 Umuhle kuleto tindzawo  
3 Lewuhlobise kuto ngentfobeko,  
4 Buhle bakho buyababateka,  
5 Buhle bakho buyamangalisa,  
6 Mvunulo yetimangaliso.

7 Umuhle mvunulo yemhlabo,  
8 Umuhle luhlongw' emakhondvosini,  
9 Umuhle nsikan' etigangeni,  
10 Umuhle lutindz' etintsabeni,  
11 Umuhle mhlung' emacentselweni.

12 Umuhle mvunulo yemhlabo  
13 Umuhle bewuyovunulani  
14 Kube bewungekho mvunulo?  
15 Uyihlobisile imvelo,  
16 Ngebuhle bakho lobubabatekako,  
17 Nangekuheha kwakho lokumangalisako.

18 Umuhle mvunulo yemhlabo,  
19 Buhle bakho benanelwa  
20 Tinyoni ngemaphimbophimbo  
21 Kuncwincita tincwincwi,  
22 Kucocodza tincocodzi,  
23 Kuswesweta tinsweti.

3.1 Bunkondlo buni lobuvetwa ngulemigca lelandzelako?

Umuhle kuleto tindzawo  
Lewuhlobise kuto ngentfobeko, (Imigca 2 – 3)

(1)

3.2 Ngekubona kwakho ikhuluma ngani lenkondlo? Chaza ngeliphuzu linye. (1)

- 3.3 Luhlobo luni lwesinongo lekalusebentisile sonkondlo emgceni we-21 kuya ema-23? (1)
- 3.4 Khokha umugca wenkondlo lonesifanangwaca uwubhale phasi bese uyasidvwebela lesifanangwaca. (1)
- 3.5 Phawula ngephethini yalenkondlo. (2)
- 3.6 Khokha umugca loyimphindvwa kulenkondlo bese usho inhoso yasonkondlo yekuyisebentisa. (2)
- 3.7 Sinongo sini lesivetwa ngulemigca yenkondlo lelandzelako? Usho ngani?  
 Umuhle bewuyovunulani  
 Kube bewungekho mvunulo? (Imigca 13 – 14) (2)  
**[10]**

**NOBE****UMBUTO 4**

Fundza lenkondlo lelandzelako bese uphendvula imibuto letawulandzela.

**UMTAPO – CD Masilela**

- 1 Gogo ngungu yesive,
- 2 Uyincwadzi lehamba ngetinyawo
- 3 Ungumtapo wetincwadzi emphilweni yetfu,
- 4 Emaphiko akho asifukamela sonkhe.
- 5 Kuwe angisuye umntfwana wesihlahla,
- 6 Kuwe angisiwo umlanjwana, ngingumntfwana wagogo.
- 7 Ngiyingati yakho ngingumntfwanakho gogo.
- 8 Uyadvondvolotela kepha uludvondvolo lwetfu
- 9 Uyinsimu lesiyivuna sonkhe ngekukhululeka
- 10 Ulibhange letfu kantsi uyinkomati yetfu
- 11 Unjengesikolo kitsi, ungucedzasitunge.
- 12 Naloku ematsambo sekaphikisana nenhltiyo,
- 13 Kepha inhlitiyo yakho inguphethiloli
- 14 Lokuvuselelako, unyatsele ngemandla
- 15 Siyabonga gogo loligugu
- 16 Ungumtapo loligugu etitukulwaneni!

- 4.1 Yini lebangele sonkondlo asebentise luhawu lwesibabato (!) emgceni wekugcina walenkondlo? (1)
- 4.2 Ucabanga kutsi yini sonkondlo atsi gogo uyingungu yesive njengobe sibona emgceni 1? (1)
- 4.3 Ucondze kusitjelani sonkondlo nakatsi "Uyincwadzi lehamba ngetinyawo"? (1)
- 4.4 Bhala umugca wenkondlo locuketse lokusho kutsi gogo unelwati lolusilulu lesitawusita titukulwane. (1)

- 4.5 Bhala umoya lotfolakala kulenkondlo lengenhla bese ucaphuna munye umugca lowesekela imphendvulo yakho. (2)
- 4.6 Lesihloko lesitsi 'Umtapo' sihambelana kangakanani naloko lokushiwo ngulenkondlo? Sekela. (2)
- 4.7 Gogo uligugu lesive. Bhala kube kubili ummango lekufanele wentele bantfu labafana naye. (2)  
**[10]**

**NA****TINKONDLO LETINGAKAFUNDVWA EKLASINI.****UMBUTO 5**

Phendvula munye umbuto kulena lelandzelako.

**NGICOLELENI – MA Magagula**

- 1 Ningicukule ngilele emkhatsini webusuku,  
 2 Lapho bumnyama sebembes'umhlaba wonkhana,  
 3 Ngesiphuku lesicosha lilanga libaleke njengelgwala,  
 4 Ningiskele nganiphunga ngelihawu lakaButfongo,  
 5 Nemikhono yafoma yatselwa ngemahlambangwenya.  
 6 Ngahhehhemuka kwabhonsa umhlaba wakhona,  
 7 Wahlokomela tindletjana tami takaNhlaka,  
 8 Nelulwinyana Iwami Iwashwabana ngaba simungulu.
- 9 Ngicoleleni micabango lemikhulu kakhulu,  
 10 Musani kutfukulula inkhatsa yetinsizi,  
 11 Letawubhobota siyalu setinyembeti,  
 12 Inhlitiyo idzabuke emkhatsini ivitsikile,  
 13 Ningangikhumbuti ligugu lelisikati lelangitala,  
 14 Ngadzilita lobo buntfombi bembali lenhle,  
 15 Ningangikhumbuti lelo gugu lami,  
 16 Lelabuna njengembali langishiy' esifubeni.
- 17 Ningiskele umnyama ukhasa phansi,  
 18 Kujakadvula tinyekevu netigolwane,  
 19 Naye nangishumphet' esitwabhini sebutfongo,  
 20 Ingcondvo yami yacala kudideka,  
 21 Ingcondvo yayaluka yaphemba buyaluyalu,  
 22 Ngicoleleni micabango ngiyekeleni,  
 23 Ningavumbululi sigudzagudza lebesengisikhohliwe.

Bhala indzatjanambhalo ngengcikitsi yalenkondlo. Budze bemphendvulo yakho abube ngemagama langabi ngaphasi kweli-190 kodvwa kungabi ngetulu kwalangama-240.

**[10]****NOBE**

**UMBUTO 6**

Fundza lenkondlo lelandzelako bese uphendvula imibuto letawulandzela.

**NDVUKU YEMILINGO – JJ Thwala**

- 1 Sichumachumane sebagcoki,  
 2 Makhaful'umlilo kuw'indvodza,  
 3 Ndvuku yemilingo simangalisondzini,  
 4 Lapho ukhonjwa khona kuyaliwa,  
 5 Imikhono ibekw'etinhloko
- 6 Sichumachumane setimangaliso,  
 7 Liklobakati lakho lembubhiso,  
 8 Umsindvo wakho wembubhiso,  
 9 Bakuphatsa kuvuk' imidlonga,  
 10 Ndvuku yetimangaliso, ndvuku yemilingo
- 11 Ndvuku lengagawulw' esihlahleni  
 12 Wehlukil' emisimbitsini yakitsi  
 13 Legangadz' indvodz' igadvule,  
 14 Ifulatsel' umlibe, yembulule,  
 15 Ndvuku yetimangaliso, ndvuku yemilingo.
- 16 Ngawe kulalwa benyoni,  
 17 Ngawe kulalwa kungakadliwa,  
 18 Ngawe tisu tiyahlambuluka,  
 19 Ucakile ndvukundzini,  
 20 Ucakile ndvuku yemagwala.

- 6.1 Yini lendvuku lekukhulunya ngayo kulenkondlo? (1)
- 6.2 Endzimeni yesibili kunemvumelwanosigcino. Bhala lemigca lenalemvumelwano bese uayidvwebela. (1)
- 6.3 Bhala luhlobo Iwebunkondlo lobakhiwa ngulemigca lelandzelako:  
     Ngawe kulalwa benyoni,  
     Ngawe kulalwa kungakadliwa (Imigca 16 – 17) (1)
- 6.4 Kubangelwa yini kutsi sonkondlo atsi ngalendvuku yemilingo, "kulalwa benyoni"? Chaza. (1)
- 6.5 Usho ngani sonkondlo kutsi labasebentisa lendvuku yemilingo bangemagwala lapha emgceni we-20? (2)
- 6.6 Ngabe sonkondlo ulikhetse ngemphumelelo yini leligama lelidvwetjelwe kulomusho lolandzelako? Sekela imphendvulo yakho.  
Liklobakati lakho lembubhiso. (2)
- 6.7 Utsini umbono wakho ngekusetjentiswa kwalendvuku yemilingo emmagweni? Chaza. (2)

[10]

**SAMBA SIGABA A:** **30**

**SIGABA B: INOVELI**

Kulesigaba kunemanoveli lamabili. Wena-ke khetsa ibe yinye loyifundze eklasini lonyaka uphendvule ngayo.

**CAPHELA:**

Khetsa emkhatsini WENDZABAMBHALO NEMIBUTO LEMIFISHA kuleyo naleyo noveli loyifundzile. Kumele uphendvule nobe ngumuphi umbuto ube MUNYE *ngaley* noveli loyifundzile. Uma ukhetsa kuphendvula umbuto wendzabambhalo kulesigaba, uphocelelekile kutsi ESIGABENI C uphendvule imibuto lemifisha.

**UMBUTO 7: *LIPHUME NEBOVU* – BB Malangwane**

Bhala indzabambhalo uhlute sakhiwo salenoveli ngaphasi kwaletihloko letilandzelako:

- 7.1 Singeniso
- 7.2 Ludvweshu
- 7.3 Sicakacaka
- 7.4 Luvutfondzaba
- 7.5 Siphetfo sendzaba

Indzabambhalo yakho ayibe nemagama langabi ngaphasi kwe-340 kodvwa angabi ngetulu kwe-390.

[25]

**NOBE****UMBUTO 8: IMIBUTO LEMIFISHA*****LIPHUME NEBOVU* – BB Malangwane**

Fundza leteksthi bese uphendvula imibuto letawulandzela.

"Ase ungiphe umetjiso LaMagagula, sheshisa!"

"Ngitsi gijima bo, LaMagagula, kantsi lometjiso awuwuboni yini?" Washo vele asamhlangabeta ngobe abona kutsi uyamephutisela. Kwetinja lokwatsi kujikitisa imisdilana kuyamjabulela, wavele wakukhukhula ngesicatfulo, kwakhalela etulu kungati kutsi kwente njani. Washo walumeka indlu yekulala, wengca, wengca wayewulumeka emadladla nelilawu lendvodzana yakhe lenkhulu.

"Hawu Khumalo, kepha ungasamane ubayekele bacale bakhiphe timphahla tabo nebakitsi," kwasho LaMagagula etama kukhipha lokuncane lanemandla ekukukhipha.

[Likhasi 97]

- |     |   |     |
|-----|---|-----|
| 8.1 | Uma ufundza leteksthi lengenhla utfola kutsi LaMagagula uvetwe njengemlingisi lonjani ngekwesimilo sakhe? Sekela imphendvulo yakho ngeliphu zu linye. | (2) |
| 8.2 | Luvutfondzaba lutfolakala kusiphi sigameko kulenoveli?  | (2) |
| 8.3 | Uma ubukisia sibekandzaba salenoveli yini leyenta kutsi kube lula kuLushawulo kutsi ashise tindlu?  | (2) |

- 8.4 Lushawulo abeneticu tekuba ngumlimisi kodvwa utfolakala asebenta leminye nje imisebenti. Ucabanga kutsi bekubangelwa yini loko? (2)
- 8.5 Ngabe wena uyakholwa kutsi kuyenteka emmangweni kutsi umuntfu adliwe inhlitiyo? Hluta ubhekise emphilweni yaLushawulo naTintfombi. (2)
- 8.6 Nguliphi lelitfumba lelishiwo ngulesihloko salenoveli kutsi labhoboka laphuma nebovu? (2)
- 8.7 Wena ubona kutsi ngabe yini leyatfukutsela Lushawulo kangaka aze angasafuni kuphindze ambone nakancane umkakhe lomncane? Bhala kube kubili. (2)
- 8.8 Kukhona labatsi Lushawulo abengumhlukumeti lomkhulu. Sekela nobe uphikise lombono ngekubhekisa enovelini. (2)
- 8.9 Bakhona labatsi Lushawulo Abelengela engotini yekuphatfwa sifo sengculaza. Ngabe tiliciniso yini letinsolo? Chaza. (2)
- 8.10 Umbhali walenoveli uphumelele kangakanani kwetfula umlingisi lomcoka? Hluta. (2)
- 8.11 Phawula indlela sibekandzaba salenoveli lesihambelana ngayo nemlingisi lomcoka. (2)
- 8.12 Umbhali walenoveli uyatecwayisa tetsamelilwati takhe ngekubaluleka kwelusendvo (umndeni) emmangweni. Fakazela loko ngekubhekisa encwadzini. (3)
- [25]**

**NOBE****UMBUTO 9: KUBAMBA LETINGELAKO – DE Nkosi**

Veta emasu lamane lasetjentiswe ngumbhali walenoveli ekuveteni balingisi bakhe, ubhale ngawo indzabambhalo. Indzabambhalo yakho ayibe nemagama langabi ngaphasi kwe-340 kodvwa angabi ngetulu kwalange-390.

**[25]****NOBE**

**UMBUTO 10: IMIBUTO LEMIFISHA****KUBAMBA LETINGELAKO – DE Nkosi**

- 10.1 Fundza letheksthi leyincenyе yendzaba bese uphendvula imibuto letawulandzela.

"Ngikubone kukuhle futsi kufanele kutsi ngikuvakashele babe Tsabetse lapha ekhaya kakho," kusho Mphikeleli akhuluma angekhatsi emabalenii akaTsabetse. Pho akacali kubeka lunyawo lwakhe kulelikhaya, wase wefika ngesikhatsi afuna indzawo yekuhlala.

"Siyabonana ndvodzana. Sibusiso lesikhulu kuvakashelwa nguwe. Emagalelo akho emisebentini yemmango avakele ndvodzana. Ungumholi sibili. Kuyakhombisa kutsi boMncina bawenta ngempela umsebenti wabo. Bawenta ngekutimisela nangendlala lefanele," kusho Tsabetse. Pho sewatsatsa umhlalaphansi.

Kadze ngifisa kulitfola litfuba lekukhuluma nave tindzaba letitsintsa tsine ndvodzana. Ngikuletselwe nguNkulunkulu njengobe ulapha embikwami. Embikwekutsi sikhulume lokunyenti ndvodzana, ngicela ungihindze kancane ngisayolandza liputumende lami leliphetse tonkhe tincwadzi tami letibalulekile", kusho Tsabetse. Asukume ahambe aye ekamelweni lakhe, atsatse liputumende lakhe abuye nalo. Akhiphe sikhya alivule bese ukhipha tincwadzi letimbili lesetiphaphatsekile atinike Mphikeleli atsi akatifundze. Incwadzi yekucala ibhalwe kutsi: "Bangive Velakhe Zwane, wangcwatjwa nguhulumende emgodzini C20007, emalibeni aseMzinoni ngamhlaka 5 Ingci. Incwadzi yesibili beyibhalwe kutsi: Lotive Lomawa Zwane, wangcwatjwa emgodzini E202020 emalibeni aseMbalehle ngamhlaka 10 kuMabasa. Watifundza Mphikeleli tehla tinyembeti. "Ngitele lokunye, ngitfola lokunye."

[Likhasi 102]

- 10.1.1 Letheksthi lengenhla iveta kucolela lokusezingeni lelisetulu impela. Uyavumelana yini naloku? Sekela imphendvulo yakho ubhekise kulokwenteka endzabenii yonkhe. (2)
- 10.1.2 Yini lena beyibangela kutsi kwehle tinyembeti kuMphikeleli? Chaza. (2)
- 10.1.3 Humusha lenkhulomo yaMphikeleli letsii: "Ngitele lokunye, ngitfola lokunye." (2)
- 10.1.4 Yini lebeyibangela kutsi Tsabetse atsi akube nguMphikeleli lofundza letincwadzi? Chaza. (2)
- 10.1.5 Umbhali usebentise ludvweshu lwangekhatsi kunika Tsabetse litfuba lekutisola ngaloko lakwenta kuMphikeleli. Phawula ngalombono ngekucaphuna emavini aTsabetse kuletheksthi lengenhla. (2)
- 10.1.6 Ngabe letheksthi lengenhla ibumbene kangakanani nengcikitsi yalendzaba yonkhe? Chaza. (2)

- 10.1.7 Impilo yaTsabetse naMphikeleli iveta ingwijikhwebu ekugcineni kwalienovel. Vuma nobe uphikise lombono ngekwesekela imphendvulo yakho. (3)

**10.2 Fundza futsi letheksthi leyincenye yendzaba bese uphendvula imibuto letawulandzela.**

"Ngikubitele lapha ehhovisi lami Mphikeleli kutewukhuluma nawe," kusho Mncina. Uhleti nje ehhovisi lathishelanhloko Mphikeleli kunelilunga lesigungu lesiphetse esikolweni, Sikhulu Tsabetse. Watibonela naye Mphikeleli kutsi litje ligaya ngalomunye umhlatsi lamuhla.  
 "Lesifuna kukwati ngawe Mphikeleli kutsi bewufundzaphi kuleminyaka lephelile?" Kubuta Tsabetse.  
 "Ngifundze eSOMAFCO."  
 "Yini loko? Yini?" Kubuta Tsabetse.  
 "Sikolo lengifundze kuso. Ligama laso ngalokuphelele yiSolomon Mahlangu Freedom College, likolishi lelisesifundzaveni iMorogoro eTanzania."  
 "Yekela kucamba emanga wena! Kuyatiwa kutsi bewusejele yonkhe leminyaka kanye neyiho. Make wakho ushona siyamngcwaba njena nisejele nine. Sikolo angeke sikwati kuchubeka nekufundzisa siboshwa lesifana nawe, ngako-ke sicela kutsi udedele bantfwana labanemarekhodi lamahle bafundze. Siboshwa nemfundzi bantfu lababili labehlukene labo. Sishiye ngekuthula lapha ngobe utawufundzisa bantfwana imikhuba lemibi."  
 "Akusilo liciniso lelo babe. Nguliphi licala lami lelenta kutsi ngilahlekelwe litfuba lekufundza?"  
 "Awunacala unemacula. Iminyaka yakho ingetulu eminyakeni lelindzelekile kulelibanga. Iphothfolio yakho lewubuya nayo le khashane siyehluleka kuyifundza, ngako-ke asiyemukeli. Sitawube sifaka bantfwabetfu engotini uma singavuma ufundze nabo njengemuntfu lochamuka ekhulukutfu," kusho Tsabetse.

[Likhasi 15 – 16]

- 10.2.1 Ngabe lenkhulomo yaTsabetse lets 'Kuyatiwa kutsi bewusejele yonkhe leminyaka' ingumbono nobe ingemaciniso yini? Usho ngani? (2)
- 10.2.2 Nguliphi ligalelo lelifikwa nguletheksthi lengenhla enovelini yonkhe? Chaza. (2)
- 10.2.3 Kungamfanela Mphikeleli loku lokushiwo nguTsabetse kuletheksthi lengenhla. Beka wakho umbono ngalesitatemende kuletheksthi lengenhla bese uyawesekela. (2)
- 10.2.4 Chaza kutsi umbhali usisebentise kahle yini lesisho lesitsi'litje seligaya ngalomunye umhlatsi,' kuletheksthi. (2)
- 10.2.5 Letheksthi igcamisa kuhlukunyetwa kwemalungelo ebantfwana. Uyavumelana yini nalombono? Sekela lokushoko. (2)

[25]

**SAMBA SIGABA B:** 25

**SIGABA C: UMDLALO**

Kulesigaba kunemidlalo lemibili. Wena-ke khetsa ube munye lowufundze eklasini lonyaka uphendvule ngawo.

**CAPHELA:**

Khetsa emkhatsini WENDZABAMBHALO NEMIBUTO LEMIFISHA kulowo nalowo mdlalo lowufundzile. Kumele uphendvule nobe ngumuphi umbuto ube MUNYE *ngalowo mdlalo*. Uma ukhetse kuphendvula umbuto wendzabambhalo enovelini, uphocelelekile kutsi kulesigaba uphendvule imibuto lemifisha. Uma ukhetse kuphendvula imibuto lemifisha enovelini, uphocelelekile kutsi kulesigaba uphendvule umbuto wendzabambhalo.

**UMBUTO 11: KWAHLWA EMINI – JJ Thwala**

Bhala indzabambhalo lapho uphawula khona ngemphumelelo yembali ekwetfuleni sibekandzaba salomdlalo. Lenzabambhalo yibhekise kulamaphuzu lalandzelako:

- Simo senhlalo/indlela yekuphila
- Simo sendzawo
- Simo sesikhatsi.

Indzabambhalo yakho ayibe nemagama langabi ngaphasi kwe-340 kodvwa angabi ngetulu kwalange-390.

[25]

**NOBE****UMBUTO 12: KWAHLWA EMINI – JJ Thwala**

Fundza letheksthli lelandzelako bese uphendvula imibuto letawulandzela.

(Elawini laNkhanise kunaNdzabeni)

NDZABENI: Uphi Sicongo?

NKHANISE: Uphumile wacondza kulela liwa lelilapha entasi. (*Asho akhomba*)

NDZABENI: Intfo lebangela kutsi ngimbute, kutsi lesijula asisekho endzaweni lebengisibeke kuyo. Sisuswe ngubani lapho bengisibeke khona?

NKHANISE: NguSicongo labephutsata sijula sakhe lapho. Angingabati kutsi nguye lotsintse lapho kungamele atsintse khona.

NDZABENI: Ngicela kutsi ungasitsintsi nyalo. Siyekeli khona lapho emsamo. Ngiya ekhaya nyalo ngiyawulandza konkhe lekfanele mayelana naso kuze ngivuselele emandla aso. Kumele ngitfole nekutsi siphethwe bantfu labangaki ngembikwekusiphatsa.

*(Waphuma Ndzabeni, wacondza kakhe. Wasala yedvwana Nkhanise.)*

**NKHANISE:** Lamuhla lwemancamu. Sicongo uphumile uyekwenta umsebenti lobalulekile. Liyawushona Makhosi akulemadlotii. Sicongo uphume naNdleleni. Ndleleni uyewubita Makhosi, ambitele kulela liwa (*asho akhomba*) kube sengatsi ubitwa nguLungile. Utawuya agijima. Utawehlela futsi. Ngeke asakhuphuka. Nangasibamba kanjena Sicongo lesijula (*washo atsatsa lesi lesisemsamo alingisa*). Wo, yenteka indzaba! Ngivelelwa yini bo? Maye! Maye, ngafa mine. Maye ngafa emini kalobha, liba ... le ... le ...  
*(Waphuma umphefumulo walala phasi tfwi, wenaba.)*

[Likhasi134 – 136]

- 12.1 Liwa lebekacondze kulo Sicongo linabuphi budlelwano nesipheto salomdlalo? Chaza. (2)
- 12.2 Ngumaphi lamandla lafanele avuselelwe nguNdzabeni kulesijula? (2)
- 12.3 Yini lebangela Ndzabeni etfuke kangaka nakabona sijula singekho endzaweni yaso? Chaza. (2)
- 12.4 Labanye bantfu bayawabonisa emalanga abo ekufa. Fakazela lombono ngekucaphuna emavi aNkhanise kuletheksthi lengenhla. (2)
- 12.5 Tetsamelilwati tifundzani kulomdlalo? (2)
- 12.6 Letheksthi lengenhla yakha yiphi incenye yesakhiwo salomdlalo? Chaza. (2)
- 12.7 Catsanisa umbango waNkhanise naMakhosi uwubhekise esimeni setepolitiki esikhatsini salomuhla eveni laseNingizimu Afrika. (2)
- 12.8 Sipheto salomdlalo sibe yingwijikhwebu. Uyavumelana nobe uyaphikisana yini nalombono? Sekela imphendvulo yakho. (2)
- 12.9 Kulesinye sikhatsi kufa kuyambita umuntfu atihlalele. Phawula ngalombono ubhekise kuSicongo. (2)
- 12.10 Ngabe Mkhalelwa ulilandzele kangakanani ligama lakhe kulomdlalo? Phawula. (2)
- 12.11 "Imbilapho ivuna silondza". Hlatiya lesaga usibhekise kuLaJele, unina waNkhanise. (2)
- 12.12 Ngabe umbhali walomdlalo usetfule ngayiphi indlela lesaga lesitsi, 'tibanjwa ngaletikudlako', kuletheksthi lengenhla? Chaza. (3)

[25]

**NOBE**

**UMBUTO 13: UMVUZO – NS Nzima**

Hlatiya ngalokujulile sifundvo lesitfolakala kulomdlalo nangemasu lasetjentiswe ngumbhali ekusetfuleni.

Indzabambhalo ayibe nemagama langabi ngaphasi kwe-340 kodvwa angabi ngetulu kwalange-390.

[25]

**NOBE****UMBUTO 14: UMVUZO – NS Nzima**

Fundza letheksthil elandzelako bese uphendvula imibuto letawulandzela.

LaNgwenya: Umhlolo! Umhlolo! Umhlolo!!

LaMbuli: Kwentenjani makhelwane?

LaNgwenya: Umhlolo sibili lona! Lafu live silibukile bo!

LaMbuli: Kwentenjani Makhelwane? Wabelesela ngelemhlolo nje kwentenjani?

LaNgwenya: Tinyanga setishiya tindumba tiye etikolweni tiywucoca nebantfwabetfu ngetebunyanga? Bodokotela bashiya emasejari abo bayewucoca ngetebudokotela nebantfwabetfu. Yini lena leyentekako?

LaMbuli: Ngabe kubi ngani loko makhelwane? Bantfwana sibafundzisela kutsi babe yincenyemango. Silindzele bodokotela, tinyanga, bameli, nalabanye kubo. Kuhle kutsi bangene emkhakheni lebase bacocisana namunye, babili nobe labanyenti kuwo.

[Likhasi 98]

- 14.1 Esikhatsini lesinyenti batali labangatibandzakanyi nalokwenteka esikolweni kuba lukhuni kubambisana nabothishela. Thishelanhloko waseMkhuphukantsaba abeyincoba kanjani lenkinga? Chaza. (2)
- 14.2 Inkulumo yaMnumzane Shabalala lephatselene neligalelo lathishela emmangweni ingacondzisa tiphi tigwegwe emimangweni lesiphila kuyo? Bhala timbili. (2)
- 14.3 Umbhali walomdlalo uvula tetsamelilwati takhe emehlo kutsi ticaphelisise uma kucanjwa tintfo nobe tikhungo letitsite emagama. Humusha lombono ubhekise egameni lesikolo saboBatjele. (2)
- 14.4 Shano yinye intfo lengumbulalave emmangweni wangakini lobona kutsi ifake Mlandzeli enkingeni? Shano nendlela yinye lekuliwa nayo ngayo. (2)
- 14.5 Ngabe Satile wawafeza yini emaphupho akhe labenawo nakacala libanga lelishumi nakubili? Sekela imphendvulo yakho. (2)

- 14.6 Kulomdlalo LaMbuli uyala Batjele ngekutiphatsa nangabe afuna kuba yintfombi lehlonipha singani sayo neyisetala. Phawula ngemfundzisolate. (Inkhumo letsatfwa njengemaciniso kantsi itsintsa imiva yalabanye) ubhekise kulomyalo waLaMbuli. (2)
- 14.7 Ngekwemtsetfosisekelo ngabe ngumbono yini nobe kungemaciniso kutsi kubalulekile kutsi bafundzi bacocisane netinyanga kanye nabodokotela etikolweni tabo? Chaza. (2)
- 14.8 Indlela lekufundvwa ngayo eMkhuphukantsaba ingayitfutfukisa kanjani imfundvo yelive lakitsi laseNingizimu Afrika? Chaza. (2)
- 14.9 Siphetfo saSatile sinaligalelo lini etimphilweni telusha Iwalomuhla? Chaza. (2)
- 14.10 Ngabe lomdlalo utilandzele kangakanani tigaba letifanele tibe khona esakhiweni semdlalo? Hlola. (2)
- 14.11 Phawula ngekubumbana kwemnyakato nenkhulumiswano kulomdlalo. (2)
- 14.12 Tjani lobulele buvuswa ngumlilo. Humusha lesaga ubhekise kuMlandzeli. (3)  
[25]

<b>SAMBA SIGABA C:</b>	<b>25</b>
<b>SAMBA SAKO KONKHE:</b>	<b>80</b>